

ventre per aliquod jam annos habere sibi imaginantem, curasse tandem, ac à falsâ istâ opinione liberasse, dicit. Ita *Paul. Zacchias Medic. Roman. Quæst. medic. legal. l. 2. t. 1. Q. 3.* plures hoc modo delirantium congestis historias; inter quas ea præcipuè notatu digna est, quam de viro quodam in hospitali, hoc affectu laborantibus, ac delirantibus dicato, asservato ac derento habet: is enim intrantes illud omnes, comiter excipiebat, illisq; de omnium ægrotantium conditione ritè & ordine exponebat, nec ullum se eodem teneri indicium ostendebat, donec ad aliquem eorum perventum esset, de quo dicebat; Illum sibi falsò imaginari se Spiritum esse sanctum; cum tamen ego, inquit, verè sim Spiritus Sanctus. Ac sic in eo solò depravatè ratiocinabatur. Similem ferè historiam *Senn. ex Huart. Scrutin. ingenior.* deprompsit, ac *l. 1. pr. p. 2. c. 8.* inseruit, de puero quodam qui in eo solum delirabat, quod totius mundi monarcham se esse crederet; de republ. verò administrandâ benè differeret ac prudenter. Et occurrunt passim tales in autorum annotationibus historiæ: ut unus caput sibi amputatum putaret; alter, referente *Lemnio 2. d. complex. c. 6.* ex vitro nates sibi conflatas existimaret: quidam se ex butyro compactum crederet, proindeq; ignem fornacesq; fugiebat. Sic *marcell Donat. d. histor. medic. mirab. l. 2. c. 1.* refert; Senensi cuidam nullo modo persvaderi potuisse, ut urinam redderet. Aiebat enim, si mingeret, totam urbem diluvio perituram: quem ad lotium reddendum, eo perduxerunt commento. Pulsatis campanis ad insanum undiq; concurrunt, magno totam urbem jam positam esse in incendio, indicantes, maximisque rogantes modis, ut, redditâ urinâ, civitati ob incendium periclitanti, opem ferret. Ita *Henric. ab Heer. Observat. oppidò rarar. obs. 27.* commemorat. Se aliquando Leodi ad illustrem quendam virum accitum, ab eoque interrogatum fuisse, sibi uti dicat; num calculo vesicæ laboraret: cum verò ex illo iterum quæsisisset; quisnam calculosum eum judicaret? indignabundum quasi respondisse; ego memet ipsum; nec ulla persuasione à conceptâ istâ opinione ac imaginatione, dimoveri potuisse. Et idem, aliam quoque huic non absimilem eodem descripsit loco: de monacho quodam, cui Empiricus quidam persvaserat, quam primum de lecto surgeret; ventriculum ipsi in scrotum descensurum: qui propterea nullis precibus ad-
 duci